

- Güt vnd Barmhertzigkeit/ des Thron am höchsten steht/
 Der ob den Wolcken her mit seinen Füßen geht/
 Des Hatzeln Sonn vnd Mond seyn/ vnd sein Hoff gesinde
 Das Licht/ die Sternen seyn/ Posaunen/ seine Winde/
 495. Der zu Heerpauken ihm den Donner hat bestimpt/
 Der das Erdbeben an zu seinem Trumpter nimpt.
 Der die Cometen braucht/ wann böses er vns dretet
 Die Finsternüssen auch/ wann er die Straff vns bretet/
 Des Ruthen Hunger/ Krieg vnd Pest man allzeit heist/
 500. Der durch den Bogen vns an Himmel Huld verheist/
 Der Donnerkeile braucht zu Wörtern vnd Geschütze/
 Des Tempel ist die Welt/ des Kercker voller Sitze
 Der Hellen Abgrundt heist/ des Umbgang ist das Meer/
 Vnd des Balleren gehn gantz vmb den Himmel her.
 505. Der zu dein Seiger ihm der Sphären Lauff bestimmet/
 Vnd zu Werckzeichen drinn die wunder Bilder nimmet.
 Wol dem/ drumb der den Hoff/ eh/ denn er ihn verlest/
 Der seiner spottet eh/ eher von ihm lest
 Verspotten schimpfflich sich: Wol deme/ der sich lehret/
 510. Von ihm zu seinem Gott/ vnd den von Herzen ehret/
 Vnd ihm anhenckt allein: So hat sich abgelehrt
 Zu Gotte von der Welt Hoff Enoch vnd gelehrt
 Das heilige Volck sein Wort/ das damals angefangen
 Nach seiner Predigt erst zu zeigen ein Verlangen
 515. Drumb fleissig ihn gehört: So selig ist gewest
 Hernacher Lamechs Sohn / des ersten Alters Rest/
 Vnd zweyten Vatter auch/ der witzig sich bey Zeiten
 Zu sonder ab hub an/ von solchen bösen Leuten/
 Vnd seiner Arche sich vnd sein Volck anvertraut/
 520. Drinn er war Gast vnd Wirth/ vnd die er selbst gebawt.
 Eber/ damit er nicht verdärbe seine Sprache/
 Die ihm vhspränglich war/ bedacht auch diese Sache/
 Drumb schiede zeitlich er ab/ von den Leuten sich
 Die sich mit solcher Wüht erkühnten durstiglich
 525. Zu bawen einen Thurn/ der stolz vnd schwach doch ware/